

愚齋存稿卷八十一目錄

電報五十八

端大臣來電

雲南李仲帥來電

寄武昌瑞制軍端大臣

寄端大臣

寄雲南李仲帥

寄南昌傅茗生觀察

寄端大臣

寄瑞制軍端大臣

愚齋存彙

卷八十一目錄

思補樓集

寄端制軍

廣東張堅帥來電

武昌端大臣來電

武昌瑞制軍來電

雲南李仲仙制軍來電

武昌端大臣來電

又

寄武昌瑞制軍

寄瑞制軍端大臣

武昌端大臣來電

武昌端大臣致內閣請代奏電

川督趙爾豐致內閣請代奏電

廣東張堅帥來電

武昌端大臣來電

寄廣州張堅帥

武昌端大臣來電

又

又

寄端大臣

又

愚齋存彙

卷八十一目錄

二 思補樓藏版

上海唐蔚芝侍郎來電

武昌瑞莘帥來電

武昌端大臣來電

又

寄端大臣

廣州張堅帥來電

武昌端大臣來電

又

又

川督趙致內閣請代奏電

武昌端大臣來電

濟南孫中丞寶琦來電

愚齋存稿卷第八十一

電報五十八

端大臣來電 宣統三年七月初九日 並致澤公

查辦一差商之莘帥謂此役項城最宜如定要派
莘莘絕不敢畏難刻正籌思辦法並不須多帶兵
並云由宜昌至重慶現值水漲輪船三日可達事
機甚迫速往爲宜但求在川將事辦妥兩月後仍
請放回若久任川督深恐病體不勝莘近日喘疾
畧輕精神尙好能不避艱深可敬佩此役方亦不
敢畏難惟因路事起風潮而令辦路人前往反對

力必益甚故方謂此事他人皆可往獨杏老與方
必須迴避至於自請派查卽自行前往貽人口實
猶是末節耳

雲南李仲帥來電

七月初九日

隆興銷約度支付款箇中調解鼎力獨多謹九頓
鳴謝再昨准外部電飭收回隆興產物該公司賃
屋居住未運到一機器未租執一曠地其他可知
並聞合同亦抵押匯理此次重闡收回文書礦權
滇則負百五十萬實金之責明知力竭難勝然亦
不敢再爭姑候債台而已

寄武昌瑞制軍端大臣 七月初九日

大局挽回全仗鼎力惟威望重臣真不易求閣慮未到之先卽已決裂故游移不決英使接成都領事電稱雖蟻聚罷市警兵站岡尙無擾動乃下以恫嚇而上以虛應可深浩歎倘照依尊議恐亦不出二公起節之前應如何布置可否密聞俾告遜敷

寄端大臣 七月初九日

尊奏初八始到遜公見面攝座只提會辦而電奏尙未進呈此件沉著痛快爲近今所罕見遜又切實面陳遂稍動容惟查辦大臣實難其選恕公地望尙足當之但

慮難耐勞遜密商公去如何可仍以路爲名到彼再將事實揭曉改綫亦是一辦法乞速復

寄雲南李仲帥 七月初九日

贖礦事了再議造路公再造滇功莫大焉百五十萬不借洋債究屬從容鄙見滇宜擇五金佳礦開辦數處區區債台何慮之有季帥電奏川省近日抗拒借款力爭商辦罷市罷課洶洶聚眾情形與各省催辦鐵路宗旨相反公前電請將滇蜀宣布是否可行乞酌示羅國瑞勘路查無信息甚奇

寄南昌傅茗生觀察 七月初九日

江西商務總會呈請修築南萍鐵路以利交通部已批
准咨行希卽回明中丞爲禱

寄端大臣

七月初九日

恕公不畏艱險莫不敬佩本日已有諭旨派公迅速
前往大約是總協理主見公才固亦足以了之但專在
路事一面著想而於地方一面毫無事權不知如何著
手竊爲公危弟人微言輕無可補救遜公之言取法乎
上僅得乎中是與工師大木匠人斲而小之何異公如
有欲自似宜徑行達閣或免遲誤

寄瑞制軍端大臣

七月初九日

湘事京官已定十三人奏頃楊哲子來稱今日忽有湘代表周廣詢等三人到京先見黃澤生以川代表到湘後改定方針拒款保路澤生開導周係諮議局員語頗激烈大京官及黃譚諸君雖不爲搖惑然前議只能暫擱澤生擬卽出京等語現擬挽留澤生但川事不定湘粵皆受影響政府不敢移動恕公亦爲兩湖坐鎮湘變似係少數人應否電告俊帥預防之

寄端制軍

七月初九日

頃詢外部知公與萃帥電奏均未到是否中止速示因公與萃帥魚麻兩電遜公已告居攝矣

廣東張堅帥來電

七月初九日
端大臣

並致度支部

粵路或賠股或還銀大部意在擇一而行不欲並行不悖若必只准擇一而行自非開股東會無以取決惟粵路股東以南洋美洲華僑資本最多該公司開辦以來歷屆會議屢釀風潮幾成習慣此次路歸國有粵省六成紳商均知朝廷政策自無反對之意而外洋華僑不明內國情形既有亂黨煽惑復為川路激刺反對國有之函電紛至沓來一旦招集開會必至收股辦法未能解決而國有問題轉將起鬨審察情勢事所必然迭

與龍參議籌商意見相同既不能開會取決卽無
執一之辦法且願換國票與否係箇人營業自由
只可勸導斷難抑勒只可堅其信使之甘心樂從
斷難狹其途迫令勉強就範大部於附股者許以
種種利益於還銀者遂令種種喫虧蓋欲強迫股
東悉出於附股之一途不知愈強迫則愈疑懼愈
抵抗何如將給還股東一層示以至公至允之辦
法俾人民咸知國家非與爭利轉可以堅其信
用或幡然歸于附股之一途之爲愈乎粵路股本
並無虛糜情形昨已詳電奉達旣無虛糜何能迫

其減成如謂時價不過五成而股價漲落無定從前粵路股票亦有漲至加一零者此民間自由貿易與國家收回商股關係朝廷政體情事大有不同在未宣示國有政策以前大部如暗中照時價買收民人自無從議其後此時大部若欲以股票低落之價值爲標準人民亦得以股票大漲時之價值反唇相稽何況粵路現在物產本足以抵股本而有餘何況有湘鄂商股十足發還之案相形見絀岐前請先解一半現銀一半股票係指有官利有餘利之股票而言其前電所附股東

意見一三期股本不願再繳二用過資本意在全
還三歷年應派官息照數補給實均徵諸眾論爲
止息反對 國有扼要之法舍此無可轉圜明知
國家財政困難大部或定減成給發原非得已
第以暫爲 國家減省數百萬帑銀與立爲 國
家失去數千萬人心比較兩害相權甯取輕者在
大部意謂所餘四成將來仍須發給股票並無虧
損然待路成獲利以後茫無定期且粵路小股多
現時每股僅交到二元五角先給六成下餘尙有
一元分十年攤還每年只還一角似此瑣碎辦法

微論人民不願將來經理亦實不勝其繁現就粵路產切實估計如黃沙地皮原購地價僅數萬金現在時價已值四十餘萬此外公司所置物業按之時價較原價增漲者頗多公家卽照股本一千四百餘萬之數收回兩路亦斷不至有虧國帑鳴岐熟慮焦思爲大局計爲粵省計敢請大部於粵路還股一層務與湘鄂十成現銀一律並請於願附股願還款兩項聽各股東自由不必執一還股辦法既定卽可定期接收股東無可藉口縱有奸人煽惑自可以強權制之倘不蒙鑒察鳴岐自問

才力萬不足以奉宣德意制服粵民惟有懇大部
奏參請 朝廷另揀賢員當能有濟謹披瀝上陳
伏乞鑒宥

武昌端大臣來電 七月十一日

午貽來電湘路股款辦法已由督子具稿呈公閱
定並邀能奏事之同鄉官定於十二日入告忽因
湘中代表入都與川協爭廢約遂各懷觀望議從
緩奏等語湘路股款我公重澤誓鞠組午諸公雅
意降心相從甫有機緒正宜一火鑄成遲則生變
易君宗夔云湘士開明斷不拾數年前江浙鬧路

之唾餘眞是快人快語且益見湘之能顧大局事
如速定川雖固執亦必知所觀感請公面屬澤生
哲子鞠尊經安午貽合力堅持仍照原議從速具
奏爲要

武昌瑞制軍來電

七月十一日

川事影響必及湘粵徵早慮及今果蔓延可憂孰
甚徵已密電俊帥速爲禁遏兩湖有事當遵四月
十一五月廿一諭旨嚴重辦理所慮者內力薄
弱又懷猜忌事多掣肘耳就昨派午公入川一事
觀之如見肺腑矣湘人在京如昌言反對似可請

自飭民政部嚴拿照違制論公謂何如

雲南李仲仙制軍來電 七月十一日

佳電感佩曠款雖未商認在先義感度支熱心不
欲滇拖宕負德百計調停先從簡單認可下手乃
正紳聲覆有五不服頗諒度部甚怨外部新黨聞
此大闕義求於事有濟已密電子益設法公見澤
公乞道誠意桂蜀 國有從速宣布爲宜滇黔桂
以無力望 國有非若湘粵蜀爲私利妬 國有
不早解決失邊心違前諾滋嘲口從而峻之必害
政策公眼光明透當早鑒及若慮國力不濟此時

宣布重在取信一年內外先有一段動工即可塞
望滇蜀不並收不獨滇支路實業不能辦且恐多
生葛藤公恐蜀省妨礙此本陪筆須知國修滇蜀
必逾十年此時虛應洽願蜀卽違言口頭何礙川
風本囂官事卻有可挽者特初至主撫慰言或過
耳收路要訣重在費省工速功見論平難輟目前
毀譽略喫小虧堅持隱操得矣否則放鬆川漢注
重滇桂十五年後牽算功利豈在蜀下願與澤公
勿餒也督不可爲滇爲尤甚義現病甚革職亦係
分內氣力能復仍聽指揮見閣乞代哀請強以不

任死不敢承

武昌端大臣來電

七月十一日

並致澤公

廷旨派方赴川決不畏縮惟其中種種爲難兩公當所洞悉頃奉上一電務懇蔭弟密陳宸座如能轉圜別簡重臣實大局之幸萬一成命難回則必須明降 諭旨宣示 國有政策萬難反汗先飭川督嚴諭紳民開市拆棚靜候查辦並請假方便宜准與瑞督相商酌帶鄂省軍隊入川並准隨時調遣川中水陸新舊各軍如川人不聽勸諭有暴動情形准其執法懲辦得此 諭旨此去尙可藉

手否則無益有害然正當辦法仍以特簡與路事
無甚關涉素有威望之疆臣前往方能撒手辦事
大吏亦不敢掣肘矣初十 寄諭季帥詞稍嚴厲
竊揣非蔭弟之力不及此仍懇始終維持 國事
阡危非異人任盼禱何極總協理處亦電陳大略
並聞

又 七月十一日 並致澤公

青電力言杏公與方不宜預聞查辦川事義固有
在昨奉 旨派方赴川謹先將不宜前往實情爲
兩公言之方爲辦路之人季帥抗違 朝旨助長

亂民恫喝挾持無所不有方在路言路萬不能不出於一參 朝廷以方言爲可采自宜另簡重臣前往俟到川後撤換川督撫循善良懲辦首惡於事方能有濟如以方奏尙待斟酌則方之前參卽爲原告季帥被參卽爲被告當派查辦大臣爲仲裁似無用原告以查被告之理川省風潮起於反對借款合同凡主持路政之人皆爲川省反對之人方往查辦恐川省風潮將益加劇卽川人無此舉動亦必有從而鼓吹之冀以實其前言之不謬者在 朝廷遣派重臣本爲弭亂今派辦路之人

恐倡亂者有所藉口是未能弭亂適以長亂方自
到鄂疊電季帥以道義相切劘以事理相關喻季
帥始尚和平繼忽變爲激烈水火之勢已成齟齬
之端百出方置身於危險之地觸目皆反對之人
恐事亦無從查起無從辦起從前廷派重臣查辦
疆事其所持意旨爲本省官民所莫測故人入得
靜候查辦若方則主張 國有遵 旨以外無宗
旨收路以外無辦法 朝廷若堅持 國有政策
則方意已盡於前奏查辦之舉何庸方往若思體
察輿情曲徇川中官民之請則應另簡賢員宣布

德意斷不宜令主張 國有之人則身其間萃帥躬任鄂督調遣兵隊呼應皆靈方赤手空拳何從施展且川省官吏不難反對 朝旨何難反對一查辦大臣屆時任其囂張則甚非 詔旨派方之本意欲嚴爲干涉或且坐以激變之罪名總之朝廷如期於路事有益郵部及方皆無派理如以爲方請查辦卽令前往查辦意主調停而無一定之政策方雖至愚斷不敢往頃已將此意抗電力辭仍請別簡重臣迅速前往大局幸甚一切務求力予維持不勝感叩

寄武昌瑞制軍

七月十一日

湘局積壓官中來往要電至六日之久不通隻字梁道
身任局長試問所司何事豈僅撤一司事卽足塞責頃
已飭知電政總局查明卽將梁道撤換當此電報緊急
之秋未便稍事贍徇也

寄瑞制軍端大臣

七月十三日

頃朱菊尊楊哲子來言湘代表三人經澤生組庵排解
氣已自餒湘京官定於十五入奏要求明發諭旨全
給保利股票分別公私以免鄉人責備宣已照允鄂事
較易務請午帥未行以前會同華帥卽將了結辦法電

奏亦當明降庶足爲粵漢表率望速施行澤畚司直明
早快車行

武昌端大臣來電

七月十二日

前川省軍督都提司道等聯名奏稿謂川人罷市
等情係由郵部硬派李稷勳而發李以嫌疑所在
電請川督派員接辦方以留李辦路係率疊次
諭旨倘以浮論爲去留適以長川省亂民之焰聞
李致電貴部與致方電略同方復電屬其遵 旨
留辦尊處復李電請知照

武昌端大臣致內閣請代奏電

七月十二日

川省保路會前派白堅等三人來粵希圖聯合粵人藉端滋擾經岐預派警道干涉解散旋即赴港現聞白堅等在港開會到者將及萬人旅港華商已爲所惑自路歸國有數月來防範煽惑之事智盡能竭僅免紛擾若收股辦法不能早決煽惑之輩正喜得聞倘聲勢已成和之者眾必致枝節叢生再欲強制愈難爲力歌魚麻三電敬祈早賜核示無任感盼

武昌端大臣來電 七月十二日

湘紳陳炳煥等電稱湘路收歸國有屢奉明

詔不使民有絲毫虧損米捐等款准給 國家股
票欽遵在案查衡永寶配銷課鹽撥歸路用湘紳
原呈雖有作官股分年籌還之文而御史黃瑞麒
奏請將凡各省因鐵路加征各款悉令按照商股
填票給息經大部通行有路各省係在原呈之後
自應遵 旨辦理卽謂配銷並非因路加征而旣
撥作路款現征卽是因路亦與應作地方公積商
股之類奏相合且配銷本係准商籌款開辦作爲
地方外銷之款當原額一萬三千四百十五引議
歸江北練餉時僅只湘紳因路款難撥電牘交爭

卽江督咨部亦尙錄湘紳原呈湘善後局並無一字請求爭執是現在湘路所得溢銷之款只是一項皆湘路公司獨自爭回已與善後局原呈無涉蓋善後局初不料有此溢銷故不爭也至部復准於額引歸江北之外再有增銷諭云儘數撥歸湘岸應用節去路字係承上文所錄紳呈路款而言歸湘云者卽是歸湘路也調查原卷自明又振糶米捐一項係以地方振濟之資撥爲路款尤應查照黃御史奏案作爲地方公積商股該款原名湘鄂振糶米捐雖當初 國家地方經費未經分別

而歲款實非 國家經費之性質况以民人輸出
贖路之款今乃剔除不以還之民人於義無取亦
不聞大部將廣東贖路款項剔除不還湘路萬難
獨異若夫租股房股向與商股無異款到立即填
給股票業經發息兩次且均已化散爲整展轉賣
買股戶非租股本以無從區分必須與商股一律
辦理查商股租股房股共約銀二百六十萬兩應
請一併照本發還願附股者聽配銷口捐米捐等
股共銀二百四十萬兩內外應請發給 國家鐵
路股票湘路已建築百餘里已購地百六十餘里

加以已還贖路款二百八十三萬餘兩保息款十四萬餘兩接濟湘鄂江皖振款十六萬餘兩合之歷年車輛機器一切料件學費公費置產培路酬資匯費印票及一應經費現時尙未截數大致入款僅只五百四十餘萬兩其實用之建築贖地者不及二百萬兩雖尙欠官商各引六七萬兩而材料等項及財政公所扣存未交之款亦略可抵視粵蜀多少固迥然不同矣月來股東紛向湘路公同詰問股分下落而各項地方公積之股並日以換給 國家鐵路股票爲請伏乞俯賜察核立予

分別施行於未收路開工之先速賜明白宣布以安眾心而維大局不勝迫切待命之至除立請湘路公司電請督辦大臣撫院據情轉咨大部外特合詞電呈湖南諮議局陳炳煥周煦埏商務總會陳文瑋李達璋教育總會俞誥慶丁耆昌農務總會龍照廖名篋長沙自治所黃用楫陳其昌善化自治所唐斯時黃光焯等公叩虞等語查原電所爭振糶捐議給保利股票已屬格外從寬此各節與督子諸公所議稍有出入日來湘省京官當已得公司覆電請將此電併交商議大抵官民一體

必須有相維相繫之情上下交惡必將有時日借
亡之禍湘人士於路款但知得步進步不知郵部
並無金鑽可掘皆從稱貸外債而來逼勒益緊擔
負益重推其究竟其禍仍在國民若斤斤力爭不
稍退讓卽是自速其亡且商房租股發票各件而
無戳記爲別其市價亦復高低不同若全發現銀
恐預用貨值購存房租股者且得坐享厚利立致
富翁此等嫌疑賢人君子徐將引避請以鄙慮告
澤生菊尊哲子組安午貽諸公曲譬鄉人早籌結
局若遲回不能解決延誤不得開工約計月糜債

息及各項華洋薪工在五六十萬兩左右均有實
帳可稽並無紛毫含混湘人士熱心公益斷斷不
忍出此此次湘人公電湘京官必早見過祈告督
子諸公電勸鄉人早日就此了結決不喫虧方赴
川之命頃已抗辭修路之役亦將辭職且多病之
軀萬難長生久視今日忠告湘人士卽作爲臨別
贈言也可作爲將死言善也可此電請堅屬督子
諸公速轉湘人士同閱爲叩

宣統三年七月十三日奉

旨端方電奏請另派重臣赴川查辦等語 朝廷簡派

端方赴川查辦路事正以其原參之人必不至有迴護
隱飾情事且川鄂交界路途並不甚遠再近實無可派
之大員該大臣身充督辦凡關於四省鐵路均係該大
臣分內之事無論何省遇有事故卽無 朝旨敦促亦
應隨時前往相機辦理况現在川路風潮甚劇豈轉可
置身事外該大臣向來勇於任事不辭勞怨仍著懍遵
兩次 諭旨迅速前往不准再行藉詞推諉延宕並將
起程日期電奏欽此

寄廣州張堅帥 七月十二日 度支部會電

粵路開辦多年曠時糜費人所共知廣九崎嶇何能比

擬前經粵督與郵傳部迭次派員查明奏報歷歷可稽似不能遽爲掩飾倘使堅持駁論勢必另派工程師查路查帳方能水落石出惟仰體 朝廷寬大之意原奏請將粵川湘鄂四省所抽所招之公司股票盡數驗明收回由度支部郵傳部特出 國家鐵路股票常年六釐給息嗣後如有餘利按股分給倘願抽本五年後亦可分十五年抽本未到期者並准將此項股票向大清交通銀行照行規隨時抵押其不願換 國家鐵路股票者均准分別辦理以昭平允等因奉 旨欽遵在案今貴督所商辦法自係毋庸分別辦理但部奏因御史

奏有還股而不使民間享修路之利仍不免爲失信等語故 國家必先儘商民附股不願者聽粵商饒富而國路速成必多願領股票之人是以粵路並未借用外債今貴督遽請全路現款實與五月二十一日 諭旨不合本部再四會商自應仍遵 諭旨驗明股票先換國家粵漢鐵路股票准其永享利益但毋庸判定五年後亦可分十五年抽本字樣並准於票面呈蓋戳記刊明此票如願領取現銀一年後不拘限期准其持票赴粵漢鐵路總局領取現款但須於六個月之前先行掛號字樣庶與政策相符仍可任民自便尊意無非揣

度粵人不願附股居多似此辦法其不願附股者交路
一年即可全取現銀目下粵路尙未借債期以一年卽
使全付亦無不可此係上顧 國計下顧商民委曲調
停舍此斷無他法貴督已奉 命會辦粵路應卽責成
總理詹天佑等知會各善堂速將股票根簿全行取出
仍由貴督派員會同郵部委員龍建章查核一面由兩
部奏明月刊股票蓋印發交貴督更換并可照此出示
曉諭一面交路一面換票則以後工程用款均可由部
開支免得停工費手若再一味宕延路不交收斷難動
用官本停工亦屬無法且該路轉瞬應還英鎊亦應仍

由公司籌還至貴督所稱湘鄂商股十足發還三案相形見絀似稍誤會現今湘鄂各股已定全發保利股票遵照諭旨第一辦法又黃沙坦地係美國借款所購雖公地增價恐亦不足抵所損失也

武昌端大臣來電 七月十三日 並致澤公

湘鄂收路正在喫緊招考學生亦需人主持擬於奏報起程摺內聲明將總公所一切事件暫交華帥核辦遇有要事仍彼此電商方十六必行昨接宜昌李姚琴來電云蜀通輪船正在修理能否駛行電詢李復民船由宜赴萬卽不阻風阻水至速

須半月由萬陸行赴省計十四站若由萬舟行赴
渝又須半月由渝赴省計十站云云行程如此焦
悶已極刻正與莘帥商酌擬令兵船徑送至渝不
知中國兵輪管駕有此本領否容商定再奉聞

又七月十三日 並致澤公

今日諭川 詔旨甚爲嚴切從此一綫到底大局
似有轉機蔭弟杏兒默與維持費盡苦心可感可
佩方力辭不允仍令前往時局艱難至此惟有奉
命卽行吉凶禍福度外置之十六擬卽起程至
事前之籌備臨時之措置當隨時電請指教莘帥

對於川事不分畛域遇事扶助得此以爲後援大局之幸

又七月十三日

此行擬請蘇龕同方入蜀山青川碧足壯詩囊論檄難文立折蜀士艱難險阻諒所不辭緩急扶持交情乃見蘇龕健者必不吝此一行請公速與一商當邀惠允外官制草案未出當囑莘公別選替人

寄端大臣 七月十三日

總公所事暫交莘帥核辦甚妥菊尊云宜昌直達成都

起旱二十餘日可到次帥卽如此走法中國兵輪恐不能行

又七月十三日

尊電加函蘇龕竭力勸駕頃據復稱孝胥本不樂湘藩若復遠調入蜀亦非所堪且外官制關係全局願竭所知終始其事求婉辭於午帥幸甚所言如此似難勉強聞前四川勸業高道甚好似可備隨行之選

上海唐蔚芝侍郎來電

七月十三日

昨屠慰曾來見當派教務長辜湯生鐵路科長胡朝棟考驗據稱屠生在美國大學畢業得學士文

憑曾充浙路工程司頗有經驗等情謹復

武昌瑞莘帥來電 七月十四日

昨午帥因季帥於川人舉動對付失宜電奏痛劾約激會銜激以路事不便越俎第川省有事鄂受影響爲地方計亦不能不言故從午帥之後隨發一電奏措詞雖異用意則同想公能見原奏未經電達今讀虞電內閣旣以激變爲慮而次帥又爲乃弟開釋則具奏必無效果優柔足以僨事川人窺破隱情益復肆無忌憚粵湘必將效尤不特國有政策 朝廷命令不行萬事皆不可爲大局

陸危可憂更鉅次帥祇顧手足不顧 國家一味
私心激極憤懣望公速爲挽救無任企幸

武昌端大臣來電

七月十四日

據堅帥文電想已達覽又據龍建章來電謂十一
日香港大會不過舉代表到京兩電略同堅帥之
電似欲以虛聲恫喝要求還給十成現銀與歌魚
諸電所言均係同旨其對式辦法業由庚電致公
當已鑒及惟粵民外受川人之搖惑內恃疆吏爲
護符不可不預爲防範擬由公處轉商外部請其
向英使磋商於川人在港開會事飭英官嚴行取

締並電致堅帥請其於粵東所轄境內仍嚴諭警
道解散如此分別布置或免滋生事端公意如何
祈覆

又七月十四日

蘇龕不願獨遊至爲悵惋高道諳悉川情且有惠
政前經電招彼以葬親在卽八月初自米脂起程
至早八月杪方能到鄂恐緩不濟急耳

寄端大臣 七月十五日

湘事十六七奏已預備明降已商遜公與電僅此比例
卽可發表鄂事請會萃帥速奏結天瓶手摹子昂英使

已電港督嚴查並照公意請閣電粵於轄境內嚴諭解散澤生總紳照會請速寄下容面交勸其勿辭三萬交通匯上借款須六個月交來公赴蜀軍費望萃帥籌墊當與度支商定特別開支

廣州張堅帥來電

七月十五日
端大臣

並致度支部

龍參議交閱郵部復電敬悉粵路款巨急切自不易籌惟辦法必須早定庶人心可安應請大部先將還股辦法從速切實宣示第粵民近爲川事所激在港開保路會主張反對 國有雖經嚴切禁制未敢在內地結合如粵路股本將來出於借款

償還則奸人益得藉拒款保路爲名較諸反對
國有風潮愈大更難收拾並懇大部預爲籌防還
股不妨多分數期萬不宜出於貸借外債以弭隱
患

武昌端大臣來電 七月十五日

接文元各電深以蜀道險遠爲詢情誼殷摯至爲
銘感方承萃帥派輪相送並以總公所新購小輪
隨行十六登輪十八早開行抵宜以後擬乘蜀通
商輪赴渝惟該船現因觸礁損壞已電李道孺屬
其趕修倘能屆期修成則由宜抵渝不過四日較

方叩本日奉電 旨所擬辦法尙合機宜著軍諮
府陸軍部電飭川省水陸新舊各軍均由方隨時
調遣等因此事重勞兩公費盡心力得蒙 朝廷
假以便宜自當勉竭駑鈍無論川事如何危迫義
無返顧頃據署川藩尹良來電稱云川人傳檄自
保所定辦法隱合獨立主意發難在卽兵單難恃
尤賴隣援等語自來亂事皆逐步釀成川電云云
不敢謂其全無影響方十六赴宜略事布置卽換
船至萬再行遵陸極力奔赴亦須經月始達凡所
規畫移步換形惟有相機因應隨時電聞並望隨

時指示方略

又七月十五日

迭接宜昌函電謂宜路工人數萬所存路款僅八十萬計敷兩月之用倘八月之內川路議無頭緒款絀工停工人必至騷動并聞包工合同有明訂數年期限者一旦解約周折尤多且以資川人口實若欲維持工作又非由部撥款不可此時何從得此巨款况改綫議成此路必將作廢以有用之款築將廢之路尤爲失計乞公詳加核酌電商莘帥辦理方抵宜後仍將所查情形奉聞又改綫摺

稿業經預備擬請開閣議并交資政院議決此摺
可否卽發院決能否不生阻力均乞酌示

川督趙致內閣請代奏電

七月十五日

川人此次以路事鼓動人民風靡全省氣燄鴟張
遂圖獨立竟敢明目張膽始則抗糧抗捐繼則刊
散四川自保傳單儼然共和政府之勢曉諭不聽
解散不從逆謀日熾前經迭次密陳在案連日探
聞該逆等定謀於本月十六日聚眾起事先燒督
署旋卽戕官據城宣布獨立爾豐正在嚴密警備
旋於昨夜探悉逆謀益亟已聚匪徒近萬卽於十

五日意乘不備前來督署燒殺爾豐旣得此信因於本日將明先將營隊再加警戒一面懍遵嚴拏首要前 旨將蒲殿俊羅綸鄧孝可顏楷張瀾胡嶸江三乘葉秉誠王銘新設法誘擒一面出示解散安撫居民不意午刻猝有匪徒數千先使人在督署附近放火以圖擾亂旋卽兇撲督署當卽派出馬步各兵隊先在街口堵截無奈來勢異常兇猛堵截不住直追轅門值門步隊亦被撲退并斫傷哨弁鄭杲等數人進衝二門直至大堂前排匪徒均帶火具並撲兩廊官房爾豐見事勢已急當

卽飭令兵隊開鎗抗拒傷斃前鋒十數人始據敗
退該匪旋又分股一由打金街分撲督署後門一
由文廟街擁出均經駐紮兵隊分頭擊退現在各
街保路協會尙在鳴鑼聚眾各路兵隊雖在竭力
彈壓察看大勢一二日內能否安定尙不可知勝
負之數亦無確實把握至省外州縣亦經通電分
頭安撫惟抗捐抗糧罷市罷課風潮傳布甚廣如
自流井等處地方工徒不下數十萬人素爲亡命
逋逃之藪深恐處處蜂起兵分力弱實有應接不
暇之勢川爲西南屏蔽如能飭調近畿得力兵隊

數千人星夜來川備資鎮攝全川幸甚大局幸甚
以後辦理情形如何隨時陸續電聞謹請代奏

武昌端大臣來電

七月十五日

湘京官公摺今日定見明發鄂款已飭王道會同
高道速開細目卽與萃帥將辦法議定再行入奏
至貴部前送簽註清單已由官錢局逐條聲復另
文咨達如有錯誤尙可續令更正司直面達尊意
具叙公誼莊道遵囑改委黃令君復卽飭北上謁
見并謝推愛

濟南孫中丞寶琦來電

七月十五日

東省民情困苦盜賊充斥深盼高沂煙濰兩路早
成工商發達各有職業安民弭盜實爲至計沂州
煤礦不亞嶧縣花生尤出口大宗聞兩人慮接至
青口與海州競爭百計阻撓煙濰路則爲德人所
忌琦雖乞退不敢存五日之見望公力爲主持無
任盼禱

愚齋存稿

卷八十一

古詩五十二

完

愚齋存稿

愚齋存稿卷八十一

愚齋存稿卷第八十二目錄

電報五十九

寄武昌端大臣

寄廣州張堅帥

武昌端大臣來電

雲南李仲軒制軍來電

武昌端大臣來電

又

又

成都趙制軍致各省將軍督撫電

武昌端大臣來電

寄雲南李制軍經羲貴陽沈中丞秉莖

寄奉天趙次帥

城陵埠端大臣來電

寄武昌瑞制軍

盛京趙制軍來電

寄廣州張堅帥

寄武昌瑞制軍

寄奉天趙次帥

寄武昌瑞制軍

沙市端大臣來電

又

武昌瑞制軍來電

沙市端大臣來電

武昌瑞制軍來電

寄奉天趙制軍

盛京趙次帥

沙市端大臣來電

武昌瑞制軍來電

寄雲南李仲仙制軍貴州沈藹蒼中丞

寄宜昌端大臣

又

又

武昌瑞制軍來電

沙市端大臣來電

寄上海岑宮保春煊武昌瑞制台澂宜昌端大臣方

寄沙市宜昌端大臣

寄上海岑宮保武昌瑞制軍宜昌端大臣奉天趙制軍

寄奉天趙制軍

寄上海岑宮保

寄武昌瑞制軍去電

寄上海岑宮保去電

上海唐蔚之侍郎來電

長沙余壽平中丞誠格來電

武昌瑞制軍電

宜昌端大臣來電

愚齋存稿卷第八十二

電報五十九

寄武昌端大臣 宣統三年七月十六日

聞英國有一小兵輪在渝往來道熟似可與漢宜領事商借日來成都郵局來電似尙安靜昨吳士鑑奏改道川陝以恩撫請西潼改歸國有立論交閣議准令郵部查勘公到藉此可轉圜公此行勞頓弟不慮事不了甚以尊體爲念也

寄廣州張堅帥 七月十六日 度支部會電

尊意還股不妨多分數期萬不宜出於借貸以彌隱患

等語所籌甚是惟部省庫空如洗若照尊意全還現銀一千數百萬接續辦工在外似宜官力商情兼籌並顧究竟應分若干年每年應還銀若干數方能敷足請核復以便酌定

武昌端大臣來電

七月十六日

並致澤公

昨接成都余道大鴻來電官場對於路事有前表同情不能自脫者周提法爲保路同志會所用王摺及近日代奏均其主稿初六日並代表季帥莅會謂闖城各員願以爭路罷官等語季帥似甚鎮靜對司道無議論玉軍憲云其意尙嚴罷市後惟

飲食店未閉餘亦密有出售紳界有慈善會政紳
有連合維持會秀民暫安省外灌彭兩縣局所均
被打毀學生罷課後惟用語言鼓惑以鐵道學堂
爲最監督係王銘新至有無亂黨亦難驟定軍警
多表同情同志會警察尤甚兵備處所得報告尤
爲駭異幸長官外省人居多巡防稍可恃現酌調
來省正紳對同志會不述隻字意在避禍股東則
但求於已無損謠言雖少惟煽民抗稅已議決實
行解省之款間被阻止並密議學生回籍辦團云
昨該會聞鐵路改道忽謂川人所爭是借約非改

綫該會最激烈者爲羅綸係諮議副長抗捐由其主張顏張等僅供利用云云又據李榮生所得成都家電謂罷市罷課事已日見安謐外府時有焚劫云云查李電係十五所發所言似較確余電恐不盡實尊處有聞亦乞電示爲盼

雲南李仲軒制軍來電

七月十六日

高潘道云公以騰緬爲慮高所剖解最明若仍慮目前似可於宣布文中專以滇擬辦支路仍歸地方紳民量力自辦一層切實聲明照應前旨並不著迹已可爲目前本題抵制緬接滇桂滇蜀通幹

我所未許此時我路未成更不能爭若但言騰緬
乃係一短支路支路民辦已有 明諭無可藉口
端提兵入川查辦播聲於先未到卽了餘波端爲
過客當可任之部覆義電仍未到並聞

武昌端大臣來電

七月十六日

鄂事已與莘帥商酌辦法俟湘摺奉明發後卽入
奏奏稿先行電部以爲預備明發地步澤生總紳
照會做處已逕寄晤時請勸其萬勿堅辭款事屬
司直詳達川亂旣已發現季帥電請多帶軍隊此
時又涉張皇鄂軍安能尅期卽達現莘帥正趕籌

軍隊入蜀事宜鄂款甚拮据懇商遜弟速賜指撥
至盼

又七月十六日 並致澤公

頃得成都英國人致漢口領事電云成都店舖關
閉新軍似不可靠總督業擊首要並出示勸諭開
市英人多避至重慶宜昌重慶現甚平靖商人不
肯罷市綏定敘州嘉定均有罷市情形資州鄰近
有美國教士被打此外未聞他事等語

又七月十七日 並致澤公

萃帥送閱電 旨趙爾豐電奏悉該署督將首要

設法誘擒辦理尙爲迅速著瑞澂遴派得力兵隊
赴川暫歸趙爾豐節制調遣等因川事糜爛至此
責有攸歸乃於季帥之養癰成患啟侮釀變情形
概置不問不責其事前之貽誤轉謂其臨事之有
功真令人索解不得且川省水陸軍隊已有 旨
歸方暫行調遣並飭隨帶鄂軍赴川而此次飭莘
帥遴派營隊又歸季帥節制調遣將來鄂軍抵川
彼此牽制辦事從何下手究竟政地意旨如何務
乞密探見示至叩頃據鄂電局來函資州至成都
電斷似亂尙未已此時趙之安危存亡尙不可必

電綫已斷消息全不得通更不知從何節制調遣起莘帥意極憂憤聞將發電力陳此意方到宜後當有回音如不得請則方此行直同贅疣終必不濟惟有瀝請專歸趙一手辦理否則冒險前往而事權不屬恐不徒無益大局耳

七月十七日內閣奉

上諭湖南京官署大理院少卿王世琪等奏聲明湘路股款情形一摺據稱國家特因各省股本不敷造路故籌鉅款以期速成既准商民一律附股並無排除民股之心已爲中外所共見惟湖南商股

不過百五十萬懇將房股租股皆准作爲私股路
用鹽劬加價振糶米捐之款皆准作爲地方公股
款皆實銀請一律給與分紅分息股票以後商民
繼續附股並請照收以免向隅等語所陳各節核
與五月二十一日諭旨各省所抽所招之公司
股票盡數驗明收回由部特出 國家鐵路股票
按股分利辦法尙屬相符 朝廷籌款收路祇在
速成並非排除民股湘省紳商已能仰體所擬各
節尤見愛國之誠自應准如所請卽由該部將其
公司股票盡數驗明換給國路股票其振糶捐款

鹽勛加價兩項既歸路用亦准作爲地方公股俾
得一律分紅分息藉充本省備荒及地方公其實
業之用責成公正紳士會同經理官爲督察自經
此次頒諭之後該公司卽應遵照迅速交收著
郵傳部會同督會辦鐵路大臣卽日派員接管趕
緊開工尅期告成以重交通要政欽此

成都趙制軍致各省將軍督撫電

七月十七日

川省因路事而起爭執因久不解決而黨勢愈固
初則罷市課以爲要挾既聞不允商辦竟悍然不
顧實行抗糧抗捐不納釐稅迭經開導彈壓抗不

聽命十三日忽刊發自保傳單語意狂悖直是宣布獨立並聞定期十六日舉事因密爲布置於十五日晨間誘擒首要數人午後遂有匪徒數千人先廬集督署左近放火嗣卽兇撲衙署轅門兵隊爲其衝開直入二門其勢甚猛急飭兵隊開槍抵禦傷斃數人始各退出又復遶至後門意欲包抄後經竭力抵禦方始散處此次幸爲防範先發制人故街市尙未受損惟察看情形非三五日所能靖謐尤可慮者其黨羽眾多遍布各屬而兵力單弱兼顧甚難利害尙未可料查該首要等皆係職

官昨已一面請 旨示遵特此奉聞餘容續布

武昌端大臣來電 七月十七日

王道孝繩已照委總公所提調留鄂辦事原擬附
奏據以部差難兼爲辭查王道在部本專掌川粵
漢籌備處事現路事方殷正資京外接洽似非他
項兼差空名之比前准大咨派令隨同前往茲既
委定提調擬請於咨文到部日下一堂諭仍留原
差隨時京漢往來用備詢問俾免隔闕之處祈並
商李伯翁吳蔚翁酌核示復至叙公誼

寄雲南李制軍經羲貫陽沈中丞秉堃 七月十八日

路事容與外部商辦趙帥電奏十五已誘拏爲首數名
亂黨圍督署互有傷亡自流井竈民罷市罷捐省外亦
不靖資州至成都綫已斷要電須由海防水綫轉滇黔
而達成都希轉飭電局請地方官保護綫路爲要

寄奉天趙次帥

七月十九日

季帥十六電奏查明逆迹昭著已誘擒爲首數人亂黨
圍督署槍斃二十餘名省外亦多事 旨令萃帥派隊
午帥十六已行昨資州來電成都綫斷如有要電瀘資
可轉惟所拏數人皆屬職官主持獨立旣能傳檄倡亂
卽可勒令傳檄止亂俾贖前愆可否請速密電季帥並

望午帥未到前了事

城陵埠端大臣來電

七月十九日

並致澤公

昨接堅帥諫電稱粵路果能早定還股辦法並暫不議借外款尙可勉強鎮壓倘再遲疑枝節愈多若更借款風潮必烈勢將不可收拾且川粵聯合大局之憂公宜切勸大部爲大局計安危不可與人民爭意氣等語又據羅道崇齡篠電稱粵路風潮均屬無意識之輩善堂行商每伺外埠華僑向背雖未聯絡顯抗然議論橫恣希望愈奢若不速籌轉圜又將變本加厲亟宜從速解決懇照堅帥

給還全股之請奏請定議倘蒙仰邀 明詔激勸
商民以望踴躍附股仍與原議辦法兩項並行則
籌還現款自可輕減至三佛接收早遲似尙無關
緊要昨奉陽電經與龍參議熟商擬俟湘鄂兩員
奉文交卸並由龍參議查明帳目乃便接收等語
又接顏道世清刪電詞旨畧同以上三電同時同
地而語氣吻合堅帥爲主張給發半股之人今復
求給還全股疊次來電堅執不移做處庚電所陳
不幸言中羅道在粵翼於龍事有所糾正今竟與
龍熟商以鄂派收路之人反對收路其中情節誠

屬不可思議鄙意粵路股票必有大力者購收多數今復挾眾力以箝制全股大利所在致派出查辦路事之人轉與爭路者聯爲一氣以川比粵覺川亂雖劇猶係爲名粵勢似緩專屬爲利愈趨愈下令人齒冷接堅帥電旣以給予全股相要復以借用外資相戒郵部旣無金穴此款將從何出是直以應付之艱隱相嘗試若折以正當理論必至潛煽變亂以實其言若曲徇堅帥之請允給全銀展寬年度則必須援本路成後十五年還清之案鄂申方好騰挪蓋旣阻外債又要現銀斷非停利

寬年不可恐此票多數立想發財之人決不認可
若仍用急脈緩受之法姑置不理堅帥久以去官
爲詞勢必繼有彈射之文此意中事川波未平粵
亂又作恐政府不肯堅持到底則羣言蠡起鄂與
督辦均爲眾矢之的此亦不可不防鄙意粵人屢
言借款合同並無粵路不如查照鄙人庚電卽將
粵路推歸粵辦但須責以三年告成無誤接綫倘
或逾限則全路損失粵任賠償尊意若何尙乞酌
示今日抵峽陽明日過沙市後日到宜昌並聞

寄武昌瑞制軍

七月二十日

頃法使言今晨接重慶轉來成都法領事電告成都新
軍有三營尙聽號令餘均心向亂黨云又美國哈洛報
訪事員歐羅來稱據重慶電告聞四川臬台被害某武
大員自盡公署三處被災云乞轉電午帥似此成都四
日無電諒甚危險極盼鄂軍赴援究係如何走法約何
日可到重慶午帥到宜能速行否乞示

盛京趙制軍來電

七月二十日

效悉遵轉然倡亂易止亂難未必有效所拿職官
何名可否密示午帥是辦路人川人已反對公能
建言另派人赴川彈壓爲宜

七月二十日內閣奉

上諭自鐵路幹路收歸國有凡從前商股民股均經飭部妥定辦法明白宣示既已減輕民累復不令虧損民財 朝廷體恤閭閻實已仁至義盡乃川人未明此意開會演說藉端爭執始不過無知愚氓羣相附和繼則罷市罷課迹近囂張屢經電飭趙爾豐彈壓解散並飭郵傳部將路款轆轤妥速清理明示辦法以釋羣疑原冀早就救平各安生業迄不忍加罪吾民不料抗糧抗捐之議相繼而起惟恐有匪徒從中煽誘別滋事端特派端方前往

查辦僅准酌帶兵勇兩隊俾免警疑旬日以來該省突有人散布自保商權書意圖獨立並有約期起事之舉經趙爾豐先期偵悉將首要擒獲本月十五日竟有數千人兇撲督署肆行燒殺并傷斃弁兵似此目無法紀顯係逆黨勾結爲亂於路事已不相涉萬難再予姑容已電飭趙爾豐相機分別剿辦該署督迅卽懍遵前次電旨嚴飭新舊各軍將倡亂匪徒及時撲滅毋任蔓延其被脅紳民均係無辜尤當妥籌安撫不得稍有株連免致地方糜爛如有爲逆黨強迫列名會簿者卽將該

名冊全行銷燬一概不究端方帶隊入川務須申明紀律嚴加約束不准騷擾並沿途曉諭居民宣布德意俾皆曉然 朝廷不得已而用兵純係爲除莠安良起見以定眾志而遏亂萌至該省商民一切路股仍著郵傳部督會辦鐵路大臣遵 旨妥速辦理經此次申諭之後該省紳民人等勿再輕信浮言徒滋擾亂應卽照常開市開課各安本分用副朕誥誥誠之至意欽此

寄廣州張堅帥

七月二十一日

度支部會電

孫皓電詢目前已籌款項若干以後每年約可籌集若

千以便酌定還期數目又詢工程及還英鎊美金各數目已悉查兩部所籌現款祇有粵借大清銀行二百萬交通銀百萬頃已電詢詹天佑年內接辦工程需銀若干又應抽還英鎊美息此外恐無剩款明後兩年工程亦巨完工之後氣脈始寬故原議保利股票五年後分十五年還今湘鄂兩省已定全領 國家鐵路股票一律分紅分息川中雖匪亂川京官及其公司總理亦均願照湘鄂悉換股票但求一律分紅分息並請准以後繼續附股 朝廷均可照准不日宣布查粵電粵商所請亦無非不願四成無利故斤斤以商路並不虧耗爲

詞此前督與郵部迭次派員查明奏報有帳可稽豈能
遽爲掩飾但五月二十一日諭旨本可全給十成有
利國票自宜仍遵此旨驗明股票先換國家粵漢
鐵路股票并准其永遠分紅分利毋庸刊定五年後分
十五年抽本字樣則雖不必限定還期數目其爲有價
證券各銀行皆可抵押昭然可信路成之後此項票價
必能增漲比較分年還本執票者更可獲益倘必欲限
定還期朝廷不得不四省一律通籌勢必寬定年限
卽便格外縮短大約三年後分八年還已屬異常竭蹶
希卽邀集股東認真勸導總以照湘鄂一律爲妥當請

速電復以憑卽日核定否則轉胸路工無款若逼到無可如何仍須粵商等籌款續辦商力恐亦爲難所稱黃沙坦地係美款所購雖公地增價亦不足抵償損失試令股商平心細想如商辦再出三批資本工不完時利於何有比較國辦全認其虧耗更許其永遠分紅分利孰得孰失當可就此決議從前尊電曾言湘鄂商股十足發還恐相形見絀今則准與湘鄂一例而行當無異言矣

寄武昌瑞制軍 七月二十一日

資州電局二十一來電成都十六閉城至今省電未通

城外聚民團數萬沿途並有該黨搜索連日接轉各要
電均飛馳遞省能否投到未知等語若無外援恐生奇
變鄂軍總須設法用輪船分送客軍槍隊只須千人便
可藉資鎮攝此外有無良法乞裁示請轉午帥

寄奉天趙次帥

七月二十一日

頃資州來電省十六閉城至今電未通城外聚民團數
萬沿途並有該黨搜索連日接轉各要電均飛馳遞省
未知能否投到久無外援恐生奇變午帥尙未到宜弟
等均以爲不然澤公接萃帥函請改派西林似與尊見
相合其聲威素著或可聞風先解其行亦必神速如公

以爲然可否電商萃帥會同電奏卽座公忠體國亦必不以私嫌而誤大局也

寄武昌瑞制軍

七月二十一日

世兄交函論事欽佩川事一誤再誤公擬舉聲威素著之大員或可聞風先解其行亦必神速次帥來電亦商改派事已急切公可否電商雲帥會同電奏遜敷必爲內應弟已將此意電復次帥矣

沙市端大臣來電

七月二十一日

萃帥奏援蜀鄂軍仍由方節制調遣已奉電旨
允行連得次帥電云此往損多益少又云中樞別

有用意熊秉三金仍珠來電亦力勸方求華帥奏
阻此行並言入川於實事無濟必不得已亦當改
道漢中等語殊未知其意之所在至次帥直指中
樞別有用意似更有因請密探見告

又七月二十一日

頃接華電謂川事仍非蘇龔相助不可當切電蘇
約其速行請更爲勸駕否則川人將以拒路者拒
方季帥且將陰爲嗾怨致蘇電請索觀

武昌瑞制軍來電 七月二十一日

川省情形連接重慶瀘州資州來電並未言及戕

官焚署等事惟亂民數萬圍攻成都兵匪相持情形危急頃已有電分致內閣軍府海陸度郵四部至鄂軍赴川由漢乘輪至宜昌後須看有無入蜀輪船臨時定奪卽有輪亦不能一批齊進計舟行至萬縣由萬陸行至重慶最速向須二十餘日左右方可抵渝午帥今日到沙市遵將尊電轉達矣沙市端大臣來電

七月二十一日

並致澤公

近聞粵東各電深慮粵亂猝發較川尤烈粵省本匪徒蔓延之地肇亂業非一次乘機圖逞本與路事無關卽無爭路風潮亦有他端可藉今羣情旣

趨於爭路而暗中鼓吹之人復居多數在謀亂之徒方自幸有釁可乘資爲口實卽樂禍幸災之輩亦必以收路激變上聞眾口一詞牢不可破大非杏公之福卽使勉給全銀然堅帥來電屢以華僑生心及亂民煽言相挾卽給全銀未必卽能弭亂倘全銀已發而粵亂仍無已時則是受糜款之實仍居釀亂之名統籌利害所失尤多鄙意時機至此惟有緩收粵路暫歸粵人自辦箝官紳爭路之口奪匪徒利用之資昨電所陳尙乞查照餘俟函詳

武昌瑞制軍來電 七月二十一日

川漢一路陶公堅持改綫之議其所論難易得失固屬言之有理第合同已定德美債票聞已出售恐成事不可復說且宜工數萬人一聞改綫必生疑慮滋事堪虞川亂正熾尤宜詳慎不知公意云何又聞宜漢存款現僅八十萬祇供兩月之用川公司董事已止款不付如宜工日久不交款竭可慮李姚琴亦進退維谷應請速圖善策早爲之所再公爲督辦鐵路老手從前京漢總分各局如何規定章程中外用人如何劃清權限必有成法可

循望鈔示一切藉資討論川事有何物議務乞隨時詳示爲感

寄奉天趙制軍

七月二十二日

亂黨圍城季帥消息不通午帥甫抵沙市遲遲吾行已催調鄂軍緩不濟急公知省外各軍可靠乞速電示制台命令難行可由陸軍部發電調援昨由川京官發通電勸解散公如有策乞電示

盛京趙次帥來電

七月二十二日

今午已電內閣請發閣令調陸防各軍由外援內與公同意右路巡防統領張輔周忠實可靠駐嘉

定較近易請告那相

沙市端大臣來電

七月二十二日

川路改綫之議須先向德美公司示意望速與商其意若何請電告

武昌瑞制軍來電

七月二十二日

川事非雲老不辦而內多阻力亦無如何次帥欲商改派彼如約我當附驥尾激未便發議也公謂何如

寄雲南李仲仙制軍貴州沈藹蒼中丞

七月二十二日

季帥十六電奏因該會逆跡昭著誘拏爲首圍署圍城

電綫已斷資州探報成都城外亂民數萬沿路搜查川
北川東兵不滿千無可調省 旨令鄂軍赴援萃帥電
須二十餘日到未知滇黔近川之處有軍隊可調否人
不在多只須得力統將帶槍隊千人馳往即可鎮懾解
散公宏猷體國如可設法速援顧全川疆莫大之功乞
速電示即可轉奏

寄宜昌端大臣 七月二十二日

刪來電入川携有行軍電機屬通行各省有電局所接
收等語查行軍電機只能用於陸路有綫之處已飭川
境各電局照章接收川境以外各局皆必照例由接綫

之局轉報毋庸徧飭或由施南入蜀故宜施一帶亦飭
知矣

又七月二十二日

頃奉帥電宜漢存款現僅八十萬祇供兩月之用川公
司董事已止款不付如宜工日久不交款竭可慮李姚
琴亦進退維谷應請速籌善策云姚琴病假斷不能准
蜀事相持恐兩個月不能交路卽不能動用借款請公
速面商姚琴將工程設法節縮雖不能停必逐漸裁減
好在武長開工在卽包工人皆可移辦武昌此計最善
乞密商電復

又七月二十二日

改綫已飭勘路擬卽派工司先由西安勘起第料德美公司尙可商酌惟萃帥頗以宜歸停工爲慮公旣主持改綫能否與姚琴密切妥商以款不足爲辭竭力節縮一面催令高藩司督飭格林森開工將夫役漸移武長名爲數萬人逐漸裁節便不患操之過急或將大石洞之西停工專辦石洞之東將來辦成一段但可免開大洞亦是中策乞密示以便與四銀行商議

武昌瑞制軍來電 七月二十二日

做處得瀘州來電大致相同鄂軍入川由宜而上

有輪亦祇能抵萬縣昨已電達道舍舟登陸而後
蜀道崎嶇有祇容一人側身而過者無論如何總
屬緩不濟急前奏請由陝赴援兩面進兵已蒙交
議准并 旨飭甘督陝撫統籌辦理當已接洽此
間惟有催所派之兵星夜進發別無他策

沙市端大臣來電

七月二十二日

並致澤公

今晨舟抵沙市接川東道鄂電稱望日奉季帥電
祇云同志會謀逆擊獲首要旋卽電阻近風聞新
軍亦叛省防空虛資州下無匪亂川東沿江無一
陸軍渝兵不滿千又無可徵調等語又接川南道

皓電稱省垣城閉資專報至省不得進城郵班亦
誤瀘綫通市已照開昨擒黨要一名會中猶有鼓
煽者各州縣開罷不一敘府因勒罷激烈昨闕府
署登時槍斃二名擒七名兵亦斃二停課尤廣瀘
城尙靖等語又接川南道同日電稱接重慶至北
京洋文報風聞成都警局被焚提法被槍協統自
盡電綫毀壞城內兵不得力等語查以上三電於
成都亂事雖多風聞然電信數日未通此卽川亂
蔓延之證何至如此必有尸其咎者若不速爲料
理恐蔓延益廣頃蘇龕電言蒲殿俊羅綸顏楷輩

各有隱情乞方保全電文甚簡隱情何若乞杏公
向彼一問

寄上海岑宮保春煊武昌瑞制台澂宜昌端大臣方
二十三日

本日趙爾巽電奏頃詢得資州探電川省閉城現發倉
穀接濟城外亂黨密布民團數萬圍城各國教士下行
兵輪上駛等語似非 嚴諭所能挽回非簡川人所信
仰大員前往查辦不可凡辦路之人川皆反對端方去
必無益擬請 特簡錫良岑春煊會同前往查辦並發
明諭聲明速飭解散川人如有未達之情准向兩大

臣申訴 朝廷再予衡情曉諭如此或可稍紓眉急一面仍飭兩湖速進重兵城內倉穀無多不開城亦必內亂爾巽因大局已危迫切陳請云云電 旨已明發特聞

寄沙市宜昌端大臣 七月二十三日

蘇堪示箇電擬奏請另簡重臣正代躊躇本日 旨派雲帥卽日起程從次帥所請也如雲帥不辭其行必速旨以公已行抵川境著先設法速解城圍並沿途布置似不知公尙未到宜頃協理兩相面告入川後岑任剿撫公任路事各不相礙雖調處綫路必在亂平之後

然公行已在岑先到宜後似仍應遵旨入川如岑到則專任鐵路岑未到如有速解城圍妙策必當與川東川南各地方文武通電指示機宜本日已有閣電飭各道府商調近軍由外援內接濟省城糧食未知能否有效蜀通何日修好請飭查電示

寄上海岑官保武昌瑞制軍宜昌端大臣奉天趙制軍
七月二十三日

十五日季帥電奏川人以路事鼓動人民風靡全省氣燄鴟張遂圖獨立竟敢明目始則抗糧抗捐繼則刊散四川自保傳單儼然共和政府之勢曉諭不聽解散不

從逆謀日熾前經迭次密陳在案連日探聞該逆等定謀於十六日聚眾起事先燒督署旋即戕官踞城宣布獨立爾豐正在嚴密警備旋於昨夜探悉逆謀益亟已聚匪徒近萬卽於十五日前來督署燒殺爾豐得信因於本日將明先將營隊再加警戒一面凜遵嚴拏首要前旨將蒲殿俊羅綸鄧孝可顏楷張瀾胡嶸江三乘葉秉誠王銘新設法誘擒一面出示解散安撫居民不意午刻猝有匪徒數千先使人在督署附近放火以圖擾亂旋即兇撲督署當經派出馬步各兵隊在街口堵截無奈來勢兇猛直迫轅門斫傷哨弁等數人直至大

堂前排匪徒均帶火具爾豐卽飭令兵隊開槍傷斃前鋒十數人始敗退現在各街協會尙在鳴鑼聚眾各路兵隊雖竭力彈壓一二日內能否安定尙不可知省外州縣亦經通電分頭安撫惟抗捐抗糧罷市罷課風潮傳布甚廣如自流井等處工徒不下數十萬人素爲亡命逋逃之藪深恐處處蜂起兵分力弱應接不暇如蒙飭調近省得力兵隊數千人星夜來川備資鎮懾大局幸甚請代奏云十五後省綫斷閉城迄無電奏

寄奉天趙制軍

七月二十三日

養電甚佩已請那相速發閣令本日明降派岑會同辦

理剿撫從公請也並命弟催令起程由滬至宜坐局輪
由宜至渝擬借英德駐渝之小兵輪拖舢正值大水若
無阻可速到並囑雲帥撰簡明告示電飭各地方官刷
印編發以散餘黨公另電由外援內閣已照行電綫亦
照辦

寄上海岑宮保 七月二十三日

昨以午去無益電商次帥萃帥請其奏懇另派萃復願
附驥本日次帥電奏到即發表次以乃弟大傷川省感
情必求遷調故作此請也所有各案始末即鈔寄公約
何日抵鄂速示辰密本已囑襄生呈送

寄武昌瑞制軍

七月二十三日

次帥奏到總理適假乃發表輶公早有伏筆也已力催此公速行但後路惟公是賴公宜促之兩協理囑分電二帥雲專任剿撫陶專任路事然非公任調和不可川事物議以借款歸部弟何敢辭惟借約發自南皮國有迭頒諭旨此中外所共見共聞者幸廷議尙能堅定明白人亦多原諒耳

七月二十三日內閣奉

上諭前因四川逆黨勾結爲亂當飭趙爾豐分別剿撫並飭端方帶隊入川現據瑞澂及重慶等處電陳四川

省城城外聚有亂黨數萬人四面圍攻勢甚危急等語
成都電報現已數日不通附近各府州縣亦復有亂黨
煽惑鼓動川省大局岌岌可危 朝廷殊深焦慮昨日
電飭端方尅期前近迅速到川開缺兩廣總督岑春煊
威望素著前任四川總督熟悉該省情形該督病勢聞
已就痊著卽前往四川會同趙爾豐辦理剿撫事宜岑
春煊向來勇於任事不辭勞瘁卽著由上海乘輪卽刻
起程毋稍遲延此次川民滋事本係不逞之徒藉端誘
惑迫脅愚氓以致釀成此變現在辦法自應分別良莠
剿撫兼施其倡亂匪徒亟須從嚴懲辦所有被脅之人

均係無辜赤子要在善爲解散不得少有株累以期地方早就救平岑春煊未能立時到川端方計已行抵川境著先行設法速解城圍俾免久困並沿途妥爲布置毋任滋蔓該大臣等其各懍遵 諭旨迅赴事機以紓朝廷西顧之憂而免川民塗炭之苦欽此

寄上海岑宮保

七月二十三日

本日 諭旨簡公查辦川事著卽刻起程成都被圍朝不保暮午帥奉命多日甫過沙市似太延捱頃協理兩相傳述監國倚畀甚殷知公忠勇有爲用資艱鉅特屬公聞 命卽行萬勿稍有推諉端侍郎係專辦路事入

川後與郵部會商料理至會黨亂匪如何勦撫責在我
公各不相涉等語頃已電招商局或由滬專輪直赴宜
昌或到漢換輪均聽公令宜至渝只有一蜀通商輪現
正修理英德有淺水小兵輪二艘在渝似可借用雖各
僅容數十人尙可拖輪坐一二百人現值大水三日可
達重慶公若准由此路候電示琴相允與英德先商借
冀公到宜卽乘往約十日可到渝乃有將軍從天上飛
來之概公奉 旨似卽可撰簡明告示電飭夔萬墊涪
重慶瀘州資州簡州永甯敘州嘉定雅州甯遠各電局
分送各衙門印刷數萬張由地方官蓋印徧散各州縣

及自流井等處川人怵公威信或可大半先行解散川軍本薄且受煽惑不免觀望幸帥遵旨已派一標西行並請飭陝西派隊並進尙無確信公應如何調度儘可電奏樞意無不力助也此電已鈔呈樞覽

上海唐蔚之侍郎來電

七月二十三日 並致左右堂

本屆考試人數雖多而合格甚少實業校取一百零一名船校取九十三名船校本日開學卽上課兩校合計適得千人蜀桂等省尙有源源來者擬捕實業校中謹奉聞

長沙余壽平中丞誠格來電

七月二十三日 並致度支部鹽政處大

臣 宜昌端大臣 武昌瑞制台

竊查湘路自設立公司開辦以來共撥借振糶米捐銀九十六萬兩有奇撥借原案均經聲明作爲借款分年攤還實與因路加抽之鹽筋加價不同所填股票本應由公家經營恭釋十八日電傳

上諭振糶捐款鹽筋加價兩項旣歸路用亦准作爲地方公股俾得一律分紅分息藉充本省備荒及地方公共實業之用責成公正紳士會同經理官爲督察等因竊維振糶米捐本係專作地方備荒工振之用現奉 明諭亟應欽遵辦理惟衡永

寶溢銷鹽釐一款既在奉旨准作地方公股之外原案又經聲明作爲官股一律認利應懇將此款所填股票息摺交由財政公所管理以重官款而符原案除電請內閣總協理大臣代奏外合并電陳察核

武昌瑞制軍來電

七月二十四日

川事派西林大局當有轉機此所竊幸雲任剿撫陶任路事昨澂已以此意電陶並促西林速行調和之責澂當任之頃接瀘州劉道來電云據資電稱三次派人密探省事行至距省八十里之茶店

被亂黨搜索攔阻聞回資學生云城內安靜每日
城開片時進水米城外會黨及防營均札有人四
圍約數萬計相持不下附者頗多等語謹聞激已
電復該道囑與資州將 朝廷已派西林入川之
事先行宣布此公威德在人或可暫定人心也

宜昌端大臣來電

七月二十四日

並致澤公

雲帥任剿撫方任路事雖云兩不相妨然以言路
事則正當拒款破約之後以言查辦則涉以原糾
被之嫌且方既不任剿撫入川何爲已作一極詳
電奏請暫在宜昌鎮撫路工因宜昌工役數萬人

愚齋存稿卷第八十二
安置不得其宜變故亦恐非小故莘帥日以爲憂
請兩公從速贊成恐日內雲亦電辭則 朝廷便
覺爲難日使雲知方已辭則事權歸一便肯踴躍
從事也